

IN THE TRADITIONAL RIGHTS COURT  
OF THE  
REPUBLIC OF THE MARSHALL ISLANDS

FILED

DEC 19 2022

ASSISTANT CLERK OF COURTS  
REPUBLIC OF THE MARSHALL ISLANDS

DARREL MALACHI,

plaintiff,

vs.

TERRY ABON,

defendant.

CIVIL ACTION NO. 2013-213

LEMNAK IM UAAK EO AN  
TRADITIONAL RIGHTS  
COURTS EO NON  
KAKOBABA IN KAJITOK  
KO JEN HIGH COURT EO.

**RO UAAN PANEL EO:**

Grace L. Leban  
Presiding Judge, TRC

Nixon David  
Associate Judge, TRC

Milton Zackios  
Pro Tem Associate Judge, TRC

**JIKIN RONJAKE EO:**

Majuro Courthouse

**RAN IN RONJAKE KO:**

August 10-13, 16 & 31

**MELELE KO IM KAKOBABA IN KAJITOK EO/KO:**

Jemlok in ear bar roltok non Panel eo an Traditional Rights Court non an etale melele ko an ilo page 4, ilo paragraph eo imaan tulong in page 4. Ekkar non kajitok eo jen High Court ejba

bwe ilo mottan eo imaan ilo paragraph in, TRC Panel eo ejba bwe ro bwijin Neijab, (ekoba Riabnono Sailass Malachi im alkin an kar jako, Riabnono eo kio Darrel Malachi) ejab maron jolet maron ko an Alap im Senior Dri Jerbal ion Mokeo Weto, kinke Neijab ear jab likit ak koman an kalimur non aer maron jolet maron kein. Ijo wot ke, ilo mottan eo kein karuo ilo paragraph in ilo page 4, einwot ej alikar an TRC eo ukote uak eo aer.

High Court eo ej bareinwot ba bwe ilo mottan eo kein karuo ilo paragraph in ilo page 4, TRC eo ejba bwe maron eo an Sailass Malachi ejab aikuj jolake ak koman kelet ko ikijen itok wot jen an ejelok kar kalimur none. Im bareinwot bwe lajrak in jolet ear ijino iben Neiboke im ear wonlaltak wot non tore in an Darrel Malachi im Terry Abon. Elane eindre in melele eo an TRC, inem etke Darrel Malachi, eo ej nejin Alap Sailass Malachi, ejab kabjor maron eo an Senior Dri Jerbal rainin?

Tarlep in paragraph in ilo page 4 ilo Uak im Kolmenlokjen Eo An TRC ej read einwot in:

Neijab im Taklemen ear ejelok lukun nejierro ak koban lojierro. Ijowotke, ear wor aero kokajiriri jen likin bwij. Neijab ear kokajiririk ak bok bwe en enwot kanin lujen Sailass Malachi, im Taklemen ear kokajiririk ak bok bwe en enwot kanin lujen Neimako. Jinen Neijab im jinen Taklemen rej jomjen-jomjatin, im jinerro ej Neiboke. Neijab ear likjab jen an kar koman an kalimur non Sailass Malachi bwe en kar maron kabwijer jimwe im maron eo an Alap im Senior Dri Jerbal ion Mokeo Weto. Kin an kar ejelok an Sailass Malachi kalimur jen Neijab ekoman bwe ro nejin Sailass Malachi ren jab maron kabwijer maron ilo weto in. (lale H/C CA1999-288. Panel in ej bar kile bwe ejab ikijen wot an ejelok kalimur non Sailass Malachi ej unin an jab kar bok maron, ak ej bar tomak bwe ear oktak jen imon Ninnin non Imon Bwij iben Neiboke, inem ilo ad lale lajrak ko laltak non ebeben eo rainin an Darrel Malachi na Terry Abon, jej loe bwe Darrel Malachi ej nejin emaan im Terry Abon ej nejin kora.

## **KAKOBABA IN UAK EO AN TRC NON KAKOBABA IN KAJITOK EO/KO:**

Alkin an Panel eo etal kakobaba in kajitok eo koroltok jen High Court eo im alkin an etale Uak im Kolmenlokjen eo an Panel in, eo im ear filed ilo November 23, 2021 eo, ej uak eo an TRC Panel eo bwe ej bin wot ilo tomak in bwe Terry Abon eo ej kabjor maron ko ruo an Alap im Senior Dri Jerbal ekkar non an kar Alap Taklemen komane *kalimur* eo non kajolet kokajriri eo an, Neimako Abon, eo ej jinen Terry Abon, ikijen maron kein ruo an Alap im Senior Dri Jerbal ion Mokeo Weto. TRC Panel in ear lo bwe kalimur in ear weppen jen Irojlaplap Joba Kabua, Iroj Amata Kabua, im Iroj Edrik Telean. Tok alik Irojlaplap Jurelang ear kabinlok kalimur in non an wonmanlok wot non Terry Abon, ilo naan ko an ilo ien *eoraak* eo an Alap Taklemen.

Ikijen melele ko walok ikijen lajrak in jolet iumin manit, ej alikar bwe Mokeo Weto ear oktak jen imon Ninnin non imon Bwij alkin Neiboke eo ear jidraak bwij iben. Kin menin, melele eo an TRC Panel eo ej bwe elane ear jab lot bwij eo iben Taklamen inem Terry Abon enaj kar jen kora im Darrel Malachi jen emaan. Ijo wot ke, ear maat bwij eo im ebar ejelok alkin Taklemen. Alkin Taklemen ear ber wot kokajriri ro, inem ear etal maron eo non Irojlaplap eo non an kabin *kalimur* eo an Alap Taklemen bwe kokajriri eo nejin, Neimako Abon im ro bwijin ren maron jolete maron ko an Alap im Senior Dri Jerbal ilo Mokeo Weto non rainin. Ijelokin an kar Irojlaplap Joba Kabua, ilo tore eo, kaweppen kalimur in, ear bareinwot ber eltan pein Iroj eo ear jolet maron an Iroj alkin Joba, eo ej Amata Kabua, im bareinwot eltan pein Iroj Edrik eo, Telean. Ijelokin kalimur in, jet ien tok alik, Irojlaplap Jurelang Zedkeia ear kabinlok wot

kalimur in ilo naan ko an ilo ien eoraak eo an Alap Taklemen. Alkin an jako Neimako Abon, inem maan eo nejin, Terry Abon ej e eo ej bok jolet eo einwot ekkar non kalimur ilo jeje im ilo naan jen Iroiylaplap ro lak imaan an Mokeo Weto.

Raan: 12/19/22



---

Grace L. Leban  
Presiding Judge, TRC



---

Nixon David  
Associate Judge, TRC



---

Milton Zackios  
Associate Pro-Tem Judge, TRC